

Siglingastofnun Íslands
Sigurður Sigurðarson
Vesturvör 2
200 Kópavogur

2005030050
1100; 9310

Reykjavík, 6. maí 2005
/--

Efni: Sjóvarnir við Steinavör, Melhúsabryggju, Lambastaðagranda og milli Tjarnastígs og Sörlaskjóls, Seltjarnarnesbæ. Ákvörðun um matsskyldu.

Vísað er til erindis Siglingastofnunar dags. 7. janúar 2005 þar sem Skipulagsstofnun eru tilkynntar sjóvarnir við Steinavör, Melhúsabryggju, Lambastaðagranda og milli Tjarnastígs og Sörlaskjóls í Seltjarnarnesbæ samkvæmt 6. gr. laga nr. 106/2000 um mat á umhverfisáhrifum og lið 10 h í 2. viðauka laganna.

Skipulagsstofnun leitaði álits Seltjarnarnesbæjar, Fornleifaverndar ríkisins og Umhverfisstofnunar.

Umsagnir bárust frá Seltjarnarnesbæ með bréfi dags. 22. mars 2005, Fornleifavernd ríkisins með bréfi dags. 28. apríl 2005 og Umhverfisstofnun með bréfi dags. 15. apríl 2005. Frekari upplýsingar bárust frá Siglingastofnun með bréfi dags. 3. maí 2005.

FRAMLÖGÐ GÖGN FRAMKVÆMDARAÐILA

Fyrirhuguð framkvæmd. Í framlögðum gögnum framkvæmdaraðila kemur fram að fyrirhugaðar sjóvarnir séu liðir í vörn gegn landbroti. Um sé að ræða 100 m langa sjóvörn við Steinavör og efnismagn verði um 1.200 m³, endurbætur á um 220 m langri sjóvörn frá Melhúsabryggju austur fyrir Lambastaðavör og efnismagn verði um 1.800 m³, um 80 m sjóvörn við Lambastaðagranda og efnismagn verði um 800 m³ og endurbætur á um 140 m langri sjóvörn milli Tjarnarstígs og Sörlaskjóls og efnispörf verði um 400 m³. Fram kemur að gerðar séu kröfur um gæði grjóts en ekki sé krafist að verkkaupi útvegi námurétt.

ÁLIT UMSAGNARAÐILA OG VIÐBRÖGÐ FRAMKVÆMDARAÐILA

Almennt. Í umsögnum Seltjarnarnesbæjar, Fornleifaverndar ríkisins og Umhverfisstofnunar kemur fram að ekki sé talið að framkvæmdin hafi umtalsverð umhverfisáhrif í för með sér og skuli ekki háð mati á umhverfisáhrifum.

Áhrif á útivist og lífríki. Umhverfisstofnun bendir á að frá Melhúsabryggju austur fyrir Lambastaðagranda sé aðgengi fólks að fjörunni verulega takmarkað þar sem lóðamörk virðast ná niður í fjöruna sjálfa. Aðkoma og möguleikar til umferðar fólks um fjöruna hafi verið takmörkuð til þessa og muni sjóvörnin ekki breyta neinu þar um. Fyrirhugað sé að koma sjóvörnum fyrir efst í fjörukambi og muni þær ekki raska gróðri neðar í fjörunni.

Áhrif á menningarminjar. Fornleifavernd ríkisins bendir á að fornleifaskráning hafi aðeins farið fram á hluta þess svæðis sem sjóvarnarirnar séu fyrirhugaðir á. Bent er á að á lóðamörkum Nesvegar 119-121 og sunnan lóða Tjarnarstígs 26 og 30 sé grasivaxinn undirhleðslugarður sem liggja að sjávarkambinum. Um 5 – 6 m af enda garðsins sé hlaðinn úr stórum steinum og virðist vera eldri hleðsla en undirhleðslugarðurinn. Þá séu óljósar hleðslur á milli fyrnefnds undirhleðslugarðs að lóðamarka sunnan lóða Tjarnarstígs 20-26. Fornleifavernd ríkisins geri ekki athugasemdir við fyrirhugaðar framkvæmdir við sjóvarnir við Steinavör og Melhúsabryggju, en telur nauðsynlegt að samráð verði haft við stofnunina áður en framkvæmdir hefjast við Lambastaðagrandu og Tjarnarstíg.

Í frekari gögnum framkvæmdaraðila kemur fram að leitast verði við að koma til móts við sjónarmið umsagnaraðila og haft verði samráð við Fornleifavernd ríkisins áður en framkvæmdir hefjast.

NIÐURSTAÐA SKIPULAGSSTOFNUNAR

Um er að ræða sjóvarnir við Steinavör, Melhúsabryggju, Lambastaðagrandu og milli Tjarnarstígs og Sörlaskjólís í Seltjarnarnesbæ. Framkvæmdin er tilkynningarskyld til ákvörðunar um matsskyldu samkvæmt 6. gr. og lið 10 h í 2. viðauka í lögum nr. 106/2000 um mat á umhverfisáhrifum.

Fyrirhuguð framkvæmd tekur til afmarkaðs svæðis og eru að mestu ofan fjöruborðs. Skipulagsstofnun bendir á að til að koma í veg fyrir skemmdir á menningarminjum vegna fyrirhugaðrar framkvæmdar sé nauðsynlegt að hafa samráð við Fornleifavernd ríkisins áður en framkvæmdir hefjast við Lambastaðagrandu og Tjarnarstíg. Skipulagsstofnun telur að framkvæmdin hafi óveruleg umhverfisáhrif í för með sér.

Í samræmi við 6. gr. laga um mat á umhverfisáhrifum nr. 106/2000 hefur Skipulagsstofnun farið yfir þau gögn sem lögð voru fram af hálfu Siglingastofnunar við tilkynningu, umsagnir og viðbrögð Siglingastofnunar vegna þeirra. Á grundvelli þessara gagna er það niðurstaða Skipulagsstofnunar að sjóvarnir við sjóvarnir við Steinavör, Melhúsabryggju, Lambastaðagrandu og milli Tjarnarstígs og Sörlaskjólís í Seltjarnarnesbæ séu ekki líklegar til að hafa í för með sér umtalsverð umhverfisáhrif og skuli því ekki háðar mati á umhverfisáhrifum.

Skipulagsstofnun vekur athygli á að framkvæmdirnar eru háðar framkvæmdaleyfi Seltjarnarneskaupstaðar skv. 27. gr. skipulags- og byggingarlaga nr. 73/1997 m.s.b.

Samkvæmt 6. gr. laga nr. 106/2000 má kæra ákvörðun Skipulagsstofnunar til umhverfissráðherra. Kærufrestur er til 10. júní 2005.

Hólmfríður Sigurðardóttir

Auður Ýr Sveinsdóttir

Afrit.

Umhverfissráðuneytið, Seltjarnarnesbær, Fornleifavernd ríkisins og Umhverfisstofnun.